







Digitized by the Internet Archive  
in 2018 with funding from  
Getty Research Institute

Hotel, Lang.

2. Panvulus


Lb 53g 336

First of 1800

Harvard 12-11-31









OK + 11

UNIVERSITY  
LIBRARY  
RICHMOND, VA

100-100000  
100-100000

100-100000  
100-100000

100-100000  
100-100000

100-100000  
100-100000

100-100000  
100-100000

100-100000  
100-100000

100-100000  
100-100000

100-100000  
100-100000

100-100000  
100-100000

100-100000  
100-100000

100-100000  
100-100000

100-100000  
100-100000



# ILLVSTRISS<sup>MO</sup> ET GENEROSISS<sup>MO</sup>

D. ALBERICO CYBO MALASPINAE

MARCHIONI MASSAE ET D, CARRARIAE

ONVPHRIVS PANVINIVS VERONENSIS

FRATER EREMITA AVGVSTINIANVS

S P D



ROMANAM Ecclesiam perpetuo mansuram , diuina pro-  
uidentia Sancti Apostolorum principis Petri Galilaei D. N.  
Iesu Christi discipuli, & uicarii ministerio, operaque in Vrbe  
fundauit, constituit, amplificauit. At diuus Petrus moriens  
successorem summa cum potestate S. Clementem, anno a  
Christi natali LXVIII. habuit. A quo usque ad B. Siluestrum papam tre-  
centorum circiter annorum interuallo, saeuissimis Imperatorum Idolatra-  
rum persecutionibus eadem ecclesia uexata, infinita sanctorum martyrum  
agmina Christo transmisit. Constantinus praeclarissimae memoriae Impe-  
rator, primus Romanorum principum Christi fidem instinctu diuinitatis  
publice professus, persecutionibus repressis, & libera Christi colendi facul-  
tate cunctis concessa, quum omnes orbis terrarum ecclesias, tum Roma-  
nam mirum in modum auxit, profana ditione ornauit, eius maiestatem,  
multis editis legibus, communiuit. A quo tempore usque ad S. Gregorii  
magni papae & doctoris pontificatum CCLX. annorum spatio, eiusdem se-  
dis supremae potestatis usus conciliorum decretis, Imperatorem legibus,  
auctus confirmatusque est. Quem aliquando improborum hominum ma-  
litia nutantem, & paene labefactatum, quingentesimo fere anno post resti-  
tuit, confirmauitque ecclesiasticae libertatis assertor unicus Gregorius VII.  
pontifex maximus; & qui eum centum posterioribus annis sequuti sunt Ro-  
mani pontifices. In his praecipui Urbanus II. Paschalis II. Callistus II. In-  
nocentius II. Hadrianus III. & Alexander III. Hi Imperatorum aliquot,  
& regum ecclesiae hostium, & eius libertatem opprimentium uim frangi  
posse docuerunt. Gregorius VII. eam de ipsorum potestate primus eruit:  
Callistus II. Gregorii VII. actiones firmavit. Alexander III. auxit, quum  
Friderico Barbarussae Imperatori ecclesiam opprimere tentanti accerrime  
restitisset. Eadem Otho III. Saxo, & Fridericus II. Imperatores moliti ua-  
lentissimos aduersarios habuere Innocentios III. & IIII. Qui imperatoris ue-



repressa, ecclesiae maiestatem uindictarunt, auxerunt, firmarunt. Quo tempore pontificum uirtute, & pietate, Germanicorum Caesarum contentionibus sublatis, maxime ab anno salutis ∞ CC deinceps floruit ecclesia Romana. Hostibus externis sublatis, seditiones populi Romani domesticae eam exceperunt. Quibus coacta Vrbe diu absuit. Veronae, Vrbe ueteri, Viterbii, Perusiae, Reate, Anagninae permansit. Ea res occasionem summis pontificibus attulit, in Gallias loco tuto migrandi. Nam Bonifacii VIII. successore Benedicto XI uita functo, qui ei successit Clemens V. eam anno ∞ CCCV trans alpes traduxit. Vbi Auenione sede locata, sex eius successores usque ad Gregorium XI. annis LXX. permansere. Qua aetate, eius maiestate ob pontificum absentiam, & Tyrannorum uim, in Italia exolefcente, religione tactus Gregorius XI. eam ad Urbem quasi post liminio, Gallis inuictis, anno ∞ CCLXXVI. reduxit. Quo mortuo grauissimum est schisma consecutum, Urbano VI. & Clemente VII. ab iisdem cardinalibus creatis, Romae & Auenione pontificatus iura administrantibus. A quo tempore quum picturae ars, quae post felicia Romanorum saecula iacuerat, aliquot artificum praestantia paulatim restitui, & in pristinum decus, Graecopingendi more, sine ulla ueri similitudine, artis peritia, lepore, gratia, & uenustate ubique antiquato, erigi coepisset, eorum omnium pontificum, qui post renascentis picturae restitutum decus uixerunt, imagines ad uiuum delineare, & typis aeneis hoc libello comprehensis, publicare constituimus, quo eorum potissimum ora, aspectusque cum elogiis singulorum continentur, qui post reditum apostolicae sedis ex Gallia in Urbem uixerunt. Id antiquioribus etiam pontificibus, quorum egregia facta miramur, postea alio libro quantum fieri poterit praestaturi. Quorum a Bonifacio VIII. deinceps, & si non ita perfecta, elegantia tamen pro temporum conditione, simulachra habemus. Atque ego fieri non posse existimo, quin quando egregii alicuius hominis res praecclare gestas legimus, non etiam eius cognoscendi, & uidendi desiderio accendamus. Quod a natura, quae nihil perpetuum esse patitur, nobis negatum, pictura praestat: qua hominis formam saepe moribus congruentem cupidissime inspicimus, cum uoluptate intuemur. Id ut iucundius nobis contingat, singulis pontificum imaginibus breuissima elogia adiecimus, eorum res gestas summatim comprehendunt. Initium uero ab Urbano VI. fecimus, tum quod is primus fuerit, qui post reuelatam ex Galliis apostolicam sedem pontificatus iura suscepit, tum quod post eum continuatas perpetua serie pontificum icones ad uiuum expressas habeamus. Nemini autem hunc laborem iucundiores fore putauimus quam tibi Alberice clarissime, quem tuo nomine multis de causis inscripsimus. Primum quod de Italicis principibus nemo sit, cui ego pro summis meritis, multisque in me collatis beneficiis magis obstrictus sim, maioraque debeam studia. Deinde quod in uetere more, institutoque positum est, ut  
qui



qui eduntur libri iis uiris dicentur, quorum nomine, quod prae ceteris uel opibus florentes sint, uel uirtute praestantes, uel nobilitate clari, in uulgo sint commendatiores. Quibus tu omnibus rebus in primis excellis, nam & opes tibi tantae sunt, quantas complures ditiones, quas multis in Italiae prouinciis possides, conciliant. Et ut ceteras egregias uirtutes tuas omit tam, illa maxime es insignis, qua nulla homines ad diuini numinis simili tudinem propius accedunt, hoc est beneficentia, & liberalitate, qua tu cum omnes homines, tum uero litterarum studiis deditos amplecti, & fo uere soles. Nobilitate uero quis te tandem anteire, est existimandus? Nam maternum Malaspinarum clarissimum genus totius fere Apuanae Liguriae peruetusta ditione commendatur, Paternum uero, quod in Genuensi Re- publica amplissimum dignitatis locum semper obtinuit, illud est, quod suo sibi iure huius libri nuncupationem uindicare uideatur. Quattuor enim pontificum maximorum imagines in illo expressas habebis, quorum duo Bonifacius IX. & Innocentius VIII. Cyboii gentiles tui sunt; alteri duo Leo X. & Clemens VII. arctissima affinitate paterno generi coniuncti, ut maio rum tuorum stemmata, non exiguum huius libri partem obtineant. Qui- bus rebus fit, ut cum cetera mea numquam sis aspernatus, tum uero hoc munus tibi, ut maxime debitum, ita in primis gratum fore confidam. Vale Romae, VIII. Idus Ianuarii, incunte anno a partu Virginis  
∞ DLXIIIX

PAPA.  
CCIV

**BARTHOLOMAEVS** *Pirignanus, alias Tucillus regens cancellariae apostolicae in Vrbe, absente Petro de Monturco Cardinale Pampilonense S. R. E. Cancellario, ex archiepiscopo Materano, & Acheruntino Archiepiscopus Barenfis a Gregorio XI. factus; pontifex creatur Romae in conclavi Vaticano extra collegium cardinalium sexagenario maior a XVI. cardinalibus, v. Idus Aprilis, anno MCCCCLXXVIII. coronatus ante gradus S. Petri, die Paschae XIIII. Kal. Maij, sedit Caesare Venceslao rege Romanorum annos XI. menses VI. dies VII. Per niciosissimum, & teterrimum schisma eiusdem occasione, alio pontifice ab eisdem cardinalibus, qui eum elegerant creato Clemente VII. inchoatum, in quinquaginta annos productum est. Pontificatus sui tempus Romae, Neapoli, Luceriae, Panormi in Sicilia, Genuae, Pisis, Lucae absumpsit. Iubilei annum ex quinquagesimo ad trigesimum tertium reducens, eum anno MCCCXC. tertio celebrari curauit. Carolum tertium de Duracio uocatum Ioanna regina priuata, regem Neapolitanum creauit, coronauit; ac in obtinendo regno pecunijs, & commeatu adiuuit: cum quo postea ita inimicitias exercuit, ut eum anathemate notatum, eodem regno exueret. Ordinationibus quattuor factis, Cardinales creauit LIIII. ex his quinque sustulit, VII. purpurae honore priuauit. Obijt Romae Idibus Octobris, anno MCCCXXCIX. aetatis LXXII. Vacauit sedes dies XVI. sepultus in Basilica sancti Petri marmoreo sepulchro, quod adhuc cum rudi hoc elogio extat*

Hac animo magnus, sapiens, iustusque Monarcha

Parthenopeus adest Urbanus sextus in arca

Feruebat fidei latebras conferre magistris

O Decus, his fretus semper post prandia sistris

Schismatibus magnis animo maiore regebat

Omne Simoniacum tanto sub patre tremebat

Quid iuuat hunc terris mortali tollere laude

Pro meritis caeli splendet sibi gloria ualde





VRBANVS, VI, PAPA, NEAPOLITANVS,



PAPA.  
CCV

PETRVS alias Perinus Tomacellus gente nobili, ex Nidi curia ortus, ex diacono S. Georgij in Velabro, presbyter cardinalis tit. S. Anastasiae ab Urbano VI. factus, pontifex Romae creatus est in conclavi Vaticano IIII. Nonas Nouembris, Anno MCCCXXCI. cardinalium XIIII. suffragijs, annum agens (non ut ait Platina circiter xxx. sed) XLV. coronatus apud S. Petrum IIII. Idus Nouembris, sedit Caesaribus Venceslao Boemo, & Roberto Bauaro Romanorum regibus in schismate contra Clementem VII. & Benedictum XIIII. Auenione commorantes, annos XIIII. menses XI. Iubileum annum tertio, anno MCCCXC. ab Urbano VI. institutum, & quarto more ueteri, anno MCCCC. celebravit. Primus Romanorum pontificum post reditum apostolicae sedis ex Gallia summum imperium Urbis Romae, ciuibus se dedentibus, obtinuit. Mausoleo Hadriani arcis instar, & Capitolio munitis, pontificum ditionem stabilivit, maiestatem nutantem confirmavit. Ecclesiae Romanae patrimonium Tyrannorum ui amissum recuperavit, Latium, Campaniam, Picenum, Etruriam, Flaminiam, & Aemiliam provincias; item magnas Urbes Narniam, Tuder, Spoletium, Urbem ueterem, Viterbium, Perusiam, Formiliu, Fauentiam, Bononiam ecclesiastico imperio restituit. Ioannis Galeatii Vicecomitis primi Insulbrum ducis vires totius Italiae formidabiles repressit, Robertum Bauariae ducem, & Rheni comitem Palatinum, Venceslao ob ignauiam in ordinem redacto, Caesarem designatum confirmavit. Ladislao Caroli III. filio adhuc puerulo regnum Neapolitanum, quo Andegauensium factione pulsus fuerat, restituit, defendit, eumque Angeli Acciajoli legati cardinalis opera regem inunxit; eius patrem fato functum Urbani VI. diris absoluit. Ex duobus fratribus alterum Spoletinum ducem, alterum Piceni principem beneficiario iure constituit. Palatium Vaticanum, quod nunc superest, perpetuae pontificum sedi inchoauit. Ordinationibus duabus factis, cardinales VI. novos creauit, quinque superstites ab Urbano VI. priuatos restituit. Obijt Romae in Vaticano sexagenarius Kal. Octobris, anno MCCCCIIII. vacauit sedes dies XV. sepultus in basilica sancti Petri monumento lapideo, quod in ecclesiae ruina dirutum fuit, cum hoc epigrammate

Flete super pugilem clauus, crux, alma tiara  
Ecclesia uiduata uiro, simul incluta Roma  
En petra parua patrem sub caelica lydera primum  
Claudit, Apostolica solium qui rexit habena  
Catholicamque fidem, seruans a turbine sanctum  
Remigium Christi, uictis uirtute tyrannis  
Orthodoxus erat super omnes, arca superni  
Consilii: sua iura tuens, & grandia tractans  
Caesaris ex animo fidei clypeatus honore  
Corpore conspicuus, roseus flos, flamine constans  
Auditorque placens, miseris miserator opimus  
Ossa iacent, mens alta polum felicibus alis  
Ascendens, micat ante Deum nouae lucis origo  
Glorius antistes: quis nam Bonifacius alter  
Nonus ut iste fuit? quae chronica scripserit unquam?  
Quodue genus parilem dedit aeuo nomen? & omnes  
De Tomacellis fulget, fulgebit in annos  
Parthenopen lustrans tulit hunc genus omne Latinum  
Quicquid alit tellus, & quod regit omnia caelum  
Obijt MCCCCIIII. Die I. Octobris, pontificatus  
uero eius anno XV





BONIFACIUS , IX , PAPA , NEAPOLITANVS ,



INNO CENTIVS VII PAPA SVLMONENSIS  
PELIGNVS


**COSMATVS** Melioratus ex dioecesi Valucensi in Aprutio, utriusque iuris doctor, ex Archiepiscopo Ramennate, episcopo Bononiense, & procamerario, presbyter cardinalis tt. sanctae Crucis in Hierusalem, S. R. E. Camerarius, & totius Italiae pro pace inter dissidentes bello principes, & respublicas componenda legatus a Bonifacio IX. factus est; quo mortuo, pontifex Romae in Vaticano conclavi, a VII. cardinalibus creatur, XVI. Kal. Nouembris, anno MCCCCLIII. coronatus apud S. Petrum IIII. Nonas Nouembris, Caesare Roberto Rege Romanorum sedit in schismate contra Benedictum XIIII. annos II. dies XXI. Cunctis maximi, & optimi pontificis dotibus ornatus. Vitae integritate, egregijs moribus, humanitate, doctrina, pietate, & liberalitate praestantissimus. Ecclesiasticae libertatis, & ditionis assertor unicus, Ladislaum regem Neapolitanum Urbis Romae imperio infestis signis inbiantem, populo ad arma concitato, Vrbe submouit: Cuius fraudibus & dolis, quum aliquot ciuium Romanorum insidijs Pontifex paene circumuentus esset, eius fratris filius pontifice inscio undecim ex his interfecit. Ea re furentis populi timore Vrbe excedens, Viterbium concessit. Vnde paulo post a S. P. Q. R. mitigato Romam reuocatus, Urbis imperio recuperato, ordinationeque una habita, qua XI. cardinales creauit, VIII. Idus Nouembris, in Vaticano palatio, anno MCCCXVI. in pace quieuit. Vacauit sedes apostolica dies XXI. Corpus in basilicae Vaticanae sacello sancti Thomae conditum eiusmodi inscriptionem habet

INNOCENTIO VII. PONTIFICI MAXIMO

QUVM NEGLECTI EIVS SEPYLCHRI MEMORIA PAENE INTERIISSET

NICOLAVS V. PONT. MAX. INSTAVRANDAM HIC CVRAVIT





INNOCENTIUS · VII · PAPA · SVLMONENSIS ·



PAPA.  
CCVII

ANGELVS Corarius genere patricio ortus, sacrae Theologiae magister, ex episcopo Castellano Venetijs, patriarcha Constantinopolitanus titulotenus, & Chalcidensis in Insula Euboea episcopus primum, mox presbyter cardinalis tit. s. Marci, & Piceni legatus ab Innocentio VII. efficitur. Pontifex uero designatur in Vaticano palatio XIIII. Cardinalium uotis, Prid. Kal. Decembris, anno MCCCXVI. octuogenario minor, coronatus Nonis Decembris, ad S. Petrum, sedit Caesaribus Roberto, & Sigismundo Regibus Romanorum annos VIII. menses VII. dies V. Hic ea conditione ueluti Interrex pontifex Romanus renuntiatus est, ut tollendi schismatis causa, summum sacerdotium deponeret, si idem Benedictus XIIII. fecisset; Vterque iure iurando id promissere: quod cum imperij dulcedine praestare nolle uiderentur, utriusque pontificis collegia, iisdem relictis Pisas conuenere, ibique generale totius Christianae reipublicae concilium congregatum est. Quaestionibus in utrumque legitime habitis, Synodus Pisana utrumque de pontificatu contententem priuauit Nonis Iunii, anno MCCCXIX. pontificatus Gregorij anno II. mense VI. die VI. Quum ipse iam duabus ordinationibus cardinales XIIII. creasset. Qui non nisi in Concilio Constantiensi in aliorum patrum numerum suscepti sunt, quando Gregorius ipse pro unitate ecclesiae sarcienda, sponte per procuratorem absens Arimini pontificatu se abdicauit. Quod factum fuit sessione XIIII. Die IIII. Nonas Iunii, Anno MCCCXV. Nam Pisani concilij decretis tanquam minus legitime congregati parere recusauerat. Obijt episcopus cardinalis, & perpetuus Piceni legatus biennio post Racaneti, anno MCCCXVII. paulo ante Martini V. creationem nonagenarius, ibique in cathedrali ecclesia sepultus est cum hoc epitaphio

Maximus ecclesiae princeps summusque monarcha

Ordine Gregorius bisseus claditur arca

Hic pro pace datus caelesti munere semper

Ferbuit ethereos superis munire decenter

Archischisma malum, facta haec dementia Pisis

Ipsa pius releuat, facta est Constantia testis

Cardine bis sacro pastoris conscia sede

Marchia suscepit Racaneti flauius aede

Obijt Anno Domini MCCCXVII

A





GREGORIUS · XII · PAPA · VENETVS ·



PAPA.  
CCIIIX

FRATER Petrus Philargi ordinis Minorum, obscurissimo genere ortus, artium, & philosophiae doctor, ac sacrae theologiae magister, Io. Galeatij Insubrum primi ducis a consilijs fuit, quem ex episcopo Vicetino, Nouariensem primum, deinde archiepiscopum Mediolanensem, demum presbyterum Cardinalem basilicae sanctorum XII. Apostolorum, & Longobardiae Legatum Innocentius VII. fecit. Pontifex uero Romanus Gregorio XII. & Benedicto XIII. abrogatis, XX. uacantis sedis die, VI. Kal. Iulij, anni MCCCXCIX. in concilio Pisano, a XXIII. cardinalibus utriusque obedientiae septuagenario maior creatus, & Nons Iunij die Dominico in cathedrali ecclesia Pisana coronatus, sedit Caesare Roberto rege Romanorum menses X. dies VIII. Hic humanitate, doctrina, liberalitate, animi magnitudine clarissimus fuit, ita in omnes munificus, ut nihil sibi reliquerit. Quare per iocum dicere interdum solebat: se ditem episcopum fuisse, pauperem cardinalem; mendicum papam, ob profusas, & immodicas largitiones. Ludouicum Iuniorem Andegauensem ducem priuato Ladislao regem Neapolitanum constituit, pecunia & commeatu adiunxit, Baltassare Cossa cardinale & legato Bononiensi ad eam expeditionem (quae inrita fuit) misso. Pontifex Pisis discedens Bononiam accessit. Vbi V. Nonas Maij, anno MCCCCX. rebus humanis eximitur. Vacauit sedes dies XIII. corpus ad Minores marmoreo tumulo conditum est, cum his uersiculis

Summus pastorum Alexander quintus, & omnis

Scripturae lumen, sanctissimus ordo Minorum

Quem dedit, & proprio Cretensis nomine Petrus

Migrauit MCCCCX





ALEXANDER V. PAPA, CRETENSIS, GRÆCV<sup>s</sup>



**P A P A .** **CCIX** **BALTASSAR** Cossa nobili genere ortus , utriusque iuris doctor , a Bonifacio IX. ex cubiculario suo in patriae gratiam diaconus Cardinalis S. Eustathij , Flaminiaeque legatus creatus , Bononiam Io. Galeatio Insubrum Duci ademit , cuius usque ad Pontificatum perpetuo legatus fuit. Praecipuus concilij Pisani auctor , Alexandro V. gratissimus. Quo mortuo Bononiae , a XVI. Cardinalibus , XVI. Kal. Iunij , anno MCCCXC. summus Pontifex renunciatus , ibique in cathedrali VIIII. Kal. Iunij , inauguratus , Caesare Sigismundo rege Romanorum sedit annos V. dies XV. Vir fuit bello & armis quam religioni aptior , ut pote qui nullam neque fidem norat , neque religionem , rebus profanis magis quam diuino cultui accommodatus . Cardinales tribus ordinationibus XVI. creauit . Quum uero schisma ob eius creationem non sedatum , sed auctum esse uideretur , tribus iam se pro pontificibus gerentibus , quo solus in pontificatu ceteris reiectis , confirmaretur , suasu Sigismundi Imperatoris , generale concilium Constantiae indixit ; quo ex uniuerso orbe christiano infinita multitudo confluit . Ad concilium & ipse cum cardinalibus accedens , quum eius dignitas in periculum reuocari cerneret , noctu clam habitu mutato concilio abiit : ex fuga retractus , & quaestione capitali in eum instituta , ex concilij decreto damnatur , pontificatusque ei abrogatus est IIII. Kal. Iunij , sessione XII. anno MCCCXV. cui damnationi ipse prid. Kal. Iunij in oppido Scaphusia consensit . Vacauit tum apostolica sedes annos II. menses V. dies X. Quadriennio ferè in carcere asseruatus , ad extremum magna pecuniae summa persoluta dimittitur , Martino iam creato , & Florentiae agente . Ad quem Baltassar accedens episcopus cardinalis Tusculanus creatur . Obijt Florentiae XI. Kal. Ianuarij anni MCCCXIX. sepultus in baptisterio sancti Ioannis cum hac notula

Ioannes quondam papa

XXIII. obiit Florentiae

anno Domini MCCCXVIII. XI

Kalendas Ianuarii





IOANNES , XXIII , PAPA , NEAPOLITANVS,



# MARTINVS IIII DICTVS V PAPA ROMANVS

P A P A .  
CCX

OTHO Columna Agapiti filius regulus Romanus, nobilissimo genere ortus, & a teneris annis omnium disciplinarum genere imbutus, utriusque iuris doctor fuit. Ab Innocentio VII. diaconus Cardinalis S. Georgij in Velabro creatus, Vmbriae, & Etruriae summa cum aequitate legati iure praefuit. Quum in concilio Constantiensi tribus qui de pontificatu decertabant, repudiatis, uir optimus quaereretur, qui rempublicam Christianam longo schismate perturbatam constitueret, ipse unus post conditam Romanam ecclesiam, ab uniuersali concilio, cui tres & uiginti cardinales interfuerunt, ad supremum in terris fastigium euectus est, III. Idus Nouembris, anno MCDXVII. aetatis suae quinquagesimo, consecratus ibidem in ecclesia cathedrali Constantiensi, XI. Kal. Decembris. Sedit uero Caesare. Sigismundo rege Romanorum annos XII. menses III. dies X. Hic schismate quinquaginta annorum sublato, pacem ecclesiae reddidit. Romam ueniens Italicas res turbatas, pace inter dissidentes principes composita, constituit. Ditionem ecclesiasticam a Tyrannis occupatam recuperauit, Picenos rebelles domuit, Urbem intestinis discordijs afflictam recreauit, fabricis exornauit, moribus, & optimis institutis excoluit, sacras aedes collabentes refecit, agrum Romanum latrocinijs infestatum sicarijs, & latronibus necatis, tutissimum reddidit. Ioannem Neapolitanorum reginam Legati opera coronauit, cuius regnum ex Reginae auctoritate, reiecit Alfonso Arragonio rege, Ludouico III. Andegauenfi duci adiudicauit. Basileense concilium indixit. Urbem ad eam omnium bonorum beatam copiam felicitatemque perduxit, ut Augusti tempora rediisse uiderentur. Postremo de patria, Romana ecclesia, & republica Christiana optime meritus, Cardinalibus quoque XVII. ordinationibus tribus creatis, Romae apoplexi correptus, rebus humanis excessit X. Kal. Martij, anno MCCCXXI. aetatis LXIII. Vacauit sedes dies X. Corpus aeneo solio ante Apostolorum capita, cum hoc elogio Laterani sepelitur


Martinus papa V. sedit annos XIII

menses III. dies XII. obiit anno

MCCCXXI. Die XX. Februarii

temporum suorum felicitas





MARTINVS . V. PAPA . ROMANVS .



# EUGENIVS IIII PAPA VENETVS

PAPA. D. GABRIEL Condemerius Angeli filius Venetijs populari, antiqua tamen familia ortus, ex canonico saeculari caelestini coloris congregationis sancti Georgij in alga Venetiarum, episcopus Senensis, & presbyter Cardinalis tt. S. Clementis a Gregorio XI. factus, legationem Picenam sub Martino v. integre administravit. Quo mortuo, Romae in sacrario ordinis Praedicatorum ad Minerue duodequingagesimum annum agens, XII. Cardinalium suffragijs, V. Nonas Martij, anno MCDXXXI. pontifex maximus creatus, & v. Idus Martij ad S. Petrum coronatus, sedit Imperatoribus Caesaribus Sigismundo Lutemburgio, Alberto, & Friderico III. Augustis annos XV. menses XI. dies XXI. Fuit Eugenius IIII. uaria fortuna, modo prospera, modo aduersa conflictatus, bellis implicitus, seditionibus ecclesiasticis, & acerrimo schismate uexatus. Quae omnia excelsa animo tulit, & superavit. Pontificatus initio ciuilem seditionem a Columnensibus passus, eorum conatus repressit. Sigismundum Augustum in basilica Vaticana imperatorio diademate coronauit, Philippi Insubrum ducis ui, & insidijs uexatus, & Roma tumultu populari exactus, Florentiam aufugit, breui Ioannis Vitelleschi cardinalis opera cuncta amissa recuperavit, rebelles domuit, concilium abse Basileae indictum renouauit, nouam synodum ad quam Graeci Imperator patriarcha, et episcopi conuenerunt Ferrariae instituit, Florentiae absoluit, Armenorum & aliorum Orientalium legatos audiuit, ijs leges dedit. A Basileensibus pontificatu priuatus, diro schismate excitato, contra se Felicem IIII. nuncupatum v. creatum passus est. Romae post decennalem peregrinationem rediens, Urbem deformem, & sua absentia laceratam constituit, Tyrannis ditionem ecclesiasticam armis uexantibus fortissime restitit. In Turcas mari classem, terra exercitum legato Iuliano Caesario cardinale misit. Moritur tandem multis in discriminibus uersatus, anno aetatis LXIII. Christi uero MCCCXLVII. VII. Kal. Martij. Quum ordinationibus VI. habitis cardinales uiros egregios XXVI. creasset. Vacauit sedes dies X. corpus in basilica. S. Petri ante ostium sacrarij marmoreo tumulo cum hoc epigrammate conditum fuit

Eugenius iacet hic quartus, cor nobile cuius  
Testantur uitae splendida facta suae

Istius ante sacros se praebuit alter ab ortu  
Alter ab occasu Caesar uterque pedes

Alter ut accipiat fidei documenta Latinae  
Alter ut aurato cingat honore caput

Quo duce & Armeni Graiorum exempla secuti  
Romanam agnorunt, Aethiopesque fidem

Inde Syri, ac Arabes, mundique e finibus Indi  
Magna sed haec animo cuncta minora suo


Nam ualida rursus Teucros iam classe petebat  
Dum petit, ast illum sustulit atra dies

Qui semper uanos tumuli contempsit honores  
Atque hac impressa condite dixit humo

Sed non quem rubro decorauerat ille galero  
Non hoc Franciscus stirps sua clara tulit

Susceptique memor meriti tam nobile, quod nunc  
Cernis, tam praestans surgere iussit opus





EVGENIVS . IIII . PAPA . VENETVS .



**ANTI-** *A MADEVS nobilissimo Sabaudiensium ducum genere ortus, principatu filijs relicto, solita-*  
**PAPA.** *riam vitam deiecit, decanusque factus est militum qui Iesu Christi dicebantur, ordinis sancti Au-*  
*gustini, in solitudine Ripariae Gebennensis dioecesis, in monasterio sancti Mauritiij. Hic priuato in*  
*concilio Basileensi Eugenio 1111. (Quod idem concilium a Martino indictum, & ab se misso legato*  
*inchoatum bis ex ea Vrbe transferre in Italiam tentasset) ab ea multitudine quae Basileae conue-*  
*nerat, in schismate antipapa creatus est, absens ad suum monasterium, Nonis Nouembris, anno*  
*∞CDXXXIX. sessione eiusdem concilij xxxix. electio confirmata. coronatus uero anno sequenti*  
*∞CDXL. Basileae IX. Kl. Augusti, sedit in sua obedientia Friderico 111. Imperatore annos 1x.*  
*mensis v. dies aliquot. Hic synodum Basileensem x111. anno absoluit, alteram in triennium Lugdu-*  
*ni celebrandam indixit. Gebennis & Lausanae resedit, ubi & aliud concilium celebrauit. Adhae-*  
*sere ei principio nationes multae. Verum mortuo Eugenio 1111. quum provinciae, & regna pau-*  
*latim ab eius obedientia deficerent, Nicolao V. procurante, Felix precibus Imperatoris Friderici*  
*111. Regum Franciae, Angliae, & Siciliae, x11. Kl. Iunij, anno ∞CDXLIX. sponte pontificatu*  
*abdicauit. A Nicolao V. Episcopus Cardinalis Sabinus, collegij decanus, perpetuusque Germa-*  
*niae legatus creatus. Qui haud ita longe post Lausanae moriens, ibidem in cathedrali sepultus est.*  
*Cardinales in sua obedientia xx111. ordinationibus 1111. creauit: ex his tres eo abdicante a Ni-*  
*colao V. in patrum collegium recepti sunt, ceteri exclusi*





FELIX · III · DICTVS · V · DVX · SABAVDIAE



**PAPA.** THOMAS incerto cognomine, Sergiana oppido Lunensis agri in Liguribus obscura genere ortus, patrem Bartholomaeum medicum habuit. Lucae adultus Lucani cognomen suscepit. Adulescens Bononiae studiis uacans, artium & Theologiae doctor factus fuit. Eugenio 1111. ob uirtutem, & in tollenda Germanorum neutralitate industriam gratus, ab eo episcopus Bononiensis, & presbyter Cardinalis tt. S. Susanna creatus est. Quo mortuo, conclauit in sacrario Praedicatorum ad Mineruae sacro, xvii. cardinalium suffragiis, Prid. Nonas Martij, anno 1457. Summus Pontifex renunciatus, & ad S. Petrum coronatus, Imperatore Caesare Friderico 111. Austria Augusto sedit annos vii. dies xix. Pontifex fuit doctrina, pietate, liberalitate, & alijs praeclaris, animi corporisque ornamentis clarissimus. Annum Iubileum 1459. sexto celebravit, Fridericum Augustum, & eius uxorem Eleonoram Lusitaniae regis filiam imperiali diademate in basilica Vaticana coronauit. Urbem ueteribus aedificijs deformem, nouis fabricis excitatis exornauit, schismate abdicante Felice, sublato, pacem ecclesiae restituit. Coniurationem Urbanam aliquot ciuibus Romanis castigatis, repressit. Eo pontifice Constantinopolis Orientis imperij caput Christianis a nefandissimis Turcis Imperatore Graeco Constantino Palaeologo caeso, occupata est. Cuius rei labem pontificatui suo impactam, dum abolere coactis in Turcas copiis staret, arteticis doloribus totum corpus peruadentibus exstinguitur, quum ordinationibus tribus xi. cardinales creasset. Obijt autem Romae in palatio Vaticano 1x. Kal. Aprilis, anni 1459. Vacauit sedes dies xlii. sepultus in basilica sancti Petri, marmoreo cum hoc epigrammate sepulchro

Hic sita sunt quinti Nicolai antistitis ossa  
Aurea qui dederat saecula Roma tibi

Consilio illustris uirtute illustrior omni  
Excoluit doctos doctior ipse uiros

Abstulit errorem, quo schisma infecerat Orbem  
Restituit mores, moenia, templa, domos

Tum Bernardino statuit sua sacra Senensi  
Sancta Iubilei tempora dum celebrat

Cinxit honore caput Friderici, & coniugis aureo  
Res Italas isto foedere composuit

Attica Romanae complura uolumina linguae  
Prodidit, en tumulo fundite thura sacro

B






NICOLAVS . V . PAPA . SERGIANENSIS .



P A P A . ALFONSVS Borgia ex castello *Valentinae* dioecesis *Sciatina*, patre *Ioanne*, genere nobili ortus, & omnibus liberalibus artibus instructus, episcopatum *Valentinum* iuuenis adeptus est. *Alfonsi* regis legatus ad *Eugenium* papam 1111. missus; ab eo presbyter cardinalis tt. ss. Quattuor coronatorum renunciatur. Mortuo *Nicolao V.* Romae, in palatio *Vaticano* a 1111. Cardinalibus summus pontifex v. Idus *Aprilis*, anni ∞CDLV. creatus, & apud *S. Petrum* coronatus, sedit Imperatore *Cæsare Friderico* 111. Augusto annos 111. mēses 1111. Pontificatu inito bellū *Turcis* indixit, ad 111. triremium classe, duce *Ludouico Card. Aquileiensi* legato comparata, maritima hostium loca inuasit, & toto quo uixit triennio multis eos cladibus afflixit. Sed & terrestri bello magna *Turcis* a *Christianis* clades illata est. Quippe qui ad *Taurinum* in *Pannonia*, insigni bello *Ioāne Vainoda* duce, adhortatore *Ioanne Capistrano* Minorita superati, circiter LX. millia hominum amiserunt. *Maometes* Tyrannus saucius, fuga salutem quaesivit. Ea uictoria Pontifex festum *S. Transfigurationis D. N. Iesu Christi* 1111. Idus *Augusti* instituit, Solennes supplicationes habuit. Mortuo *Alfonsi* rege sine legitimo herede, *Neapolitanum* regnum repetijt, repugnante *Ferdinando*. Dum arma pontifex pararet, octuogenario maior 1111. Idus *Augusti*, anno ∞CDLVIII. rebus humanis eximitur, Cardinalibus 111. diebus ordinationibus creatis. Vacauit sedes dies 111. Ipse in sacrario sancti *Petri* marmoreo tumulo sepultus est, sine ullo epitaphio





CALIXTVS. III. PAPA VALENTINVS. HISPAN

VS



PAPA.  
CCXIV

**AENEAS** Siluius Picolhomineus gentē patriciā tenuioris tamen fortunae, patre Siluio in Villa Corfiniana agri Senensis ortus, per omnium Romanae curiae dignitatum gradus, ad munus apostolicum ascendit. Litteris humanioribus instructus, eloquentia, dexteritate, & prudentia multum ualuit. Primum cardinalium Capranici et Albergati scriba, deinde in concilio Basileensi caeremoniarum praefectus, et pro eo multis legationibus egregie functus, postea Friderici III. Felicis V. Eugenij IIII. et Nicolai V. epistolarum magister, & a secretis fuit. Ad Eugenium IIII. pro natione Germanica legatus, obedientiam, sublata neutralitate, eidem praestauit. A Nicolao V. Episcopus Tergestinus, & Senensis, a Callisto III. diaconus primo S. Eustathij, mox presbyter cardinalis tt. S. Sabinae creatus est. Quo mortuo Romae in palatio Vaticano, xvii. cardinalium suffragijs, Romanus pontifex xliiii. Kal. Septembris, Anno MCDLVIII. renunciatus, et III. Nonas Septembris, coronatus Imperatore Caesare Friderico III. Augusto sedit annos v. menses xi. dies xxvii. Ordinationibus tribus habitis, xliiii. cardinales creauit. Obijt Anconae in Piceno dum bellum in Turcas adornaret. Vacauit sedes dies xvi. Corpus Romam relatum in basilica sancti Petri marmoreo tumulo cum hoc elogio, in sacello sancti Andreae sepultum est

Pius II. Pontifex maximus natione Tuscus, patria Senensis, gente Picolhominea sedit annos sex. Breuis pontificatus, ingens fuit gloria. Conuentum Christianorum Mantuae pro fide habuit. Oppugnatoribus Romanae sedis intra, atque extra Italiam restitit. Catharinam Senensem inter sanctas Christi retulit. Pragmaticam in Gallia abrogauit. Ferdinandum Arragonensem in regnum Siciliae cis Fretum restituit: rem ecclesiae auxit. Fodinas inuenti tum primum aluminis apud Tolfam instituit. Cultor iustitiae, & religionis. Admirabilis eloquio. Vadens in bellum, quod Turcis indixerat, Anconae decessit: ibi & classem paratam, & ducem Venetorum cum suo Senatu commilitones Christi habuit. Relatus in Urbem est patrum decreto, & hic conditus, ubi caput Andreae apostoli ad se ex Peloponneso aduectum collocari iusserat. Vixit annos LVIIII. menses IX. dies XXVII. Franciscus Cardinalis Senensis auunculo santissimo fecit, Anno MCCCCLXIIII

Humi uero in tabula marmorea

PIVS II PONT MAX





PIVS . II . PAPA . SENENSIS .



**PAPA.** **PETRVS** Barbus patricius Venetus Nicolai, & Polyxenae sororis Eugenij IIII. papae filius, ab auunculo Romam accitus, protonotarius apostolicus, episcopus Ceuensis, post Vicentinus, diaconus Cardinalis S. Mariae nouae, demum presbyter tit. S. Marci renunciatus est. Homo natura blandus, mitis, & humanus. Pontificibus Nicolao V. & Callisto III. gratissimus fuit. Pio II. non admodum probatus. Quo mortuo, ipse conclauis in palatio Vaticano instituto, XIX. Cardinalium suffragiis III. Kal. Septembris, anni MCCCCLXIIII. summus pontifex renunciatus, coronatusque ibidem XVI. Kal. Octobris, sedit Imperatore Caesare Friderico III. Augusto annos VI. menses X. dies XXVI. Ordinationibus tribus cardinales XI. creauit. Foedus inter Christianos principes, & bellum Turcicum per legatos suasisit. Georgium Boemiae regem Hussitarum haeresi infectum, excommunicatum regno priuauit, quod Hungarorum regi Matthiae dono dedit. Fridericum imperatorem Romae uoti causa uenientem honorificentissime suscepit, Borsium Marchionem Estensem Ferrariae ducem constituit, lautissimas ad S. Marcum aedes construxit. Apoplexi correptus obiit morte repentina Romae in palatio Vaticano VII. Kal. Augusti, Anno MCCCCLXXI. Vacauit sedes dies XIII. Corpus in S. Petro marmoreo sepulchro cum hoc epitaphio conditum.

Paulus II. Venetus Pontifex maximus, e uetusta Barborum familia, praeclaris naturae dotibus auunculo Eugenio IIII. non inferior. Iustitiae, pietatis, diuinarumque caeremoniarum cultor religiosissimus, ecclesiasticae libertatis maiestatisque defensor constantissimus, praecipuo pacis seruandae studio, & singularis omnis generis munerum abstinentia, formidanda etiam lege magistratibus indicta clarissimus, in principes munificentia, in pauperes misericordia insignis, patrio amore annonae copiam Vrbi dedit. Patrimonium beati Petri erratis populorum indulgentissimi parentis affectu emendatis, & conseruauit & auxit. Furentes armis haereticos repressit, & quod per difficilem rerum temporumue conditionem effici cum dignitate non poterat, matura curatione saluberrime disposuit. Vixit annos LIII. menses V. dies III. sedit annos VI. menses X. dies XXVI. Marcus Barbus cardinalis S. Marci patriarcha Aquileiensis consanguineo bene merenti fecit, anno salutis MCDLXXII





PAVLVS II PAPA , VENETVS




PAPA. FRATER *Franciscus de Ruere* Leonardi filius, honesto genere artus, & ab ineunte aetate Minorum ordinem professus, per omnes eius sodalium gradus, ad ordinis magistrum ascendit. Quem ob singularem doctrinam, eximiam in disputationibus, & concionibus gratiam Paulus II. presbyterum Cardinalem tit. S. Petri ad Vincula creauit. Quo vita sancto, in conclauis Vaticano XV. Cardinalium uotis V. Idus Augusti, anno MCDLXXI. Romanus pontifex creatus, & ibidem VII. Kal. Septembris coronatus, sedit Imperatore Caesare Friderico III. Augusto annos XII. dies VIII. Ordinationibus VIII. habitis, cardinales XXXIII. creauit. Cuius res preclaræ hæc epigrammate continentur

Templa, domum expositis, uicos, fora, moenia, pontes  
Virgineam Triuii quod repararis aquam  
Prisca licet nautis statuas dare commoda portus  
Et Vaticanum cingere Xyste iugum  
Plus tamen Vrbs debet, nam quæ squalore latebat  
Cernitur in celebri Bibliotheca loco

*Obiit in Vaticano Pridie Idus Augusti, anno MCDXXCIIII. Vacauit sedes dies XVI. corpus æcon folio in choro canonicorum ab se extructo sepulchrum. hanc inscriptionem habet*

Sixto IIII. Pont. max. ex ordine Minorum, doctrina, & animi magnitudine omnis memoriae principi. Turcis Italia submotis, auctoritate sedis aucta, Vrbe instaurata, templis, ponte, foro, uis, Bibliotheca in Vaticano publicata, iubileo celebrato, Liguria seruitute liberata, cum modico ac plano solo conditi se mandauisset, Iulianus cardinalis patruo benemerenti maiore pietate quam impensa faciendum curauit. Obiit Idibus Sextilibus, hora ab occasu quinta, Anno Christi MCDLXXIIII. Vixit annos LXX. dies XXII. horas XII





XISTVS . IV . PAPA . SAVONENSIS . LIGVR




**PAPA.** IOANNES Baptista nobili, & peruetusta familia Cybo, patre Aaron qui Urbis Senator, &  
**CCXVII** Neapoli pro rege Andegauensium factionis Renati regis nomine fuerat, ortus, Alfonsi regis pri-  
 mum, deinde Philippi Cardinalis Bononiensis Nicolai v. Papae fratris domesticus fuit. A Paulo II.  
 Episcopus Saanenensis, a Xysto IIII. Melphtensis, a supplicibus libellis signandis praefectus, &  
 presbyter Cardinalis tt. S. Laurentij in Lucina factus, sub eo aliquot legationibus prudenter, & in-  
 tegre functus est. Xysto mortuo, in conclau Vaticano Romanus pontifex IIII. Kal. Septembris, anno  
 MCCCCXXCIIII. a XXIIII. cardinalibus creatus, & ibidem pridie Idus Septembris corona-  
 tus, Imperatore Caesare Friderico III. Augusto sedit annos VII. menses X. dies XXVII. Publi-  
 cae pacis, & otij studiosissimus Christianos principes frequentibus nuntijs ad pacem inter se incun-  
 dam, ad bellum uero Turcicum est adhortatus. Venetos a Xysto sacris interdictos absoluit. Romanis  
 priuilegia renouauit. Beatum Leupoldum Austriae ducem miraculis clarum, rogatu Friderici III.  
 Imperatoris inter diuos rettulit. Graues a Regulis Vrsinis, & Columnensibus se ditiones passus, ani-  
 mi lenitudine eas superauit. Cum Ferdinando rege Neapolitano domesticis seditionibus regni proce-  
 rum laborante, qui iura ecclesiae Romanae labefactauerat, Genuensibus, & Venetis foedere iun-  
 ctus, bellum suscepit, cuius taedio permotus non longe post pacem cum eo fecit. Eius belli occasione  
 officia uenalia aliquot excogitauit. Vna ordinatione habita, octo cardinales ueteribus adiunxit. Ge-  
 men Sultanum Maometi regis Turcarum filium praelio a fratre Baiazete uictum, Romae in custodia  
 habuit. Quem ut cautius custodiret, Baiazetes XL. aureorum millia annua eidem misit, & lanceae  
 ferrum, quo D. N. Iesu Christi latus perforatum est, donauit. Quo tempore pontifex aliquot publi-  
 cis fabricis in palatio Vaticano exaedificatis, ibidem VIIII. Kal. Augusti, anno MCCCCXCII.  
 obiit, aetatis LX. Vacauit sedes dies XVI. sepultus aeneo monumeto in basilica sancti Petri, cum  
 hoc indiculo

Ego autem in innocentia mea

ingressus sum

Redime me domine & miserere mei





INNOCENTIVS . VIII . PAPA . GENVENSIS .



**PAPA.** RODERICVS familia nobili Lenzolia, patre Iofredo equite, & matre sorore Callisti III. Valentiae  
**CCXVIII** natus, auunculi cognomen Borgia, auito omisso usurpauit. A quo episcopus Valentinus, diaconus cardina-  
lis S. Nicolai in carcere Tulliano, & S. R. E. Cancellarius creatus, sub Xysto IIII. Episcopatum Alba-  
num, mox Portuensem optauit, multis & magnis legationibus insignis, ac collegij cardinalium princeps.  
Mortuo Innocentio VIII. duorum & uiginti cardinalium suffragijs in conclauis Vaticano III. Idus Augu-  
sti, anno MCCCXCII. summus pontifex creatus, & VII. Kal. Septembris coronatus, Caesare Maxi-  
miliano Romanorum rege Imperatore designato sedit annos XI. dies VIII. Vir fuit magni animi, sermo-  
ne promptissimus, natura callidissimus, in quo singulares uirtutes, non obscuri defectus adaequabant. Filios  
tres habuit, in his Caesarem cardinalem primum, mox ducem Valentinum, cui ut Italiae principatum pa-  
raret, cuncta bellis, & caedibus permiscuit. Ferdinando regi Neapolitano insensus, foedere cum Ludo-  
uico Sfortia Insubrum duce, & Venetis inito, Gallos contra illum euocauit. Quo statim mortuo, pace cum  
eius filio Alfonso facta, Gallorum copias Carolo VIII. rege in Italiam irumpentes in cassum repellere  
studuit, ab ijs enim pulsus Aragonijs, regnum Neapolitanum occupatum est. Gallis abeuntibus, & ad  
Tarum insigni pugna ab Italici foederis socijs debilitatis, Ferdinandus Iunior Alfonsi filius Pontificis  
studio regnum recuperauit. Cui mortuo successit Fridericus patruus. Aduersus quem pontifex isto cum Lu-  
douico XII. Francorum, & Ferdinando Hispanorum regibus, Venetisque exitiabili foedere, bellum mo-  
uit. Quo Fridericus ipse regno exactus, Ludouicus Sfortia Insubrum dux principatu Mediolanensi a Gal-  
lis pulsus, & captus, in custodia obiit. Regnum sibi uictores Galli, & Hispani diuiserunt. Mox praeva-  
lentibus Hispanorum armis, Galli, duce Ferdinando Consaluo magno capitaneo ab Hispanis pulsi. Mediolani  
imperium Gallis, Venetis Cremona dedita, Pontificis filius dux Valentinus Aemiliae, Flaminiae, Pice-  
ni, Umbriae, Etruriae, omnium earum urbium antiquis regulis aut necatis, aut pulsus dux constitutus.  
Qui quum uniuersae Italiae excidio immineret, & a nullus etiam sacratorum hominum caedibus, quo  
pecuniam compararet absteret, admirabilis Dei providentia, patre pontifice de medio sublato, omnes  
eius conatus elusit. Alexander enim ueneno per pincernae errorem, quem alijs parauerat hausto, XV. Kal.  
Septembris in palatio Vaticano, anno MDIII. septuagenario maior obiit, quum Iobiler annum sexto ce-  
lebrasset, & de cem ordinationibus, XLIII. cardinales creasset. Corpus sepultum est in sacrario S. Petri  
latericio tumulo. Vacauit sedes menssem unum, dies XII





ALEXANDER . VI . PAPA . VALENTINVS . HISP.



PIVS III PAPA SENENSIS ETRVSCVS

PAPA. FRANCISCVS Nannis Todeschini opulenti hominis, & Laodomiae Pij II. sororis filius, CCXIX paterno cognomine omisso, auunculi familiae Picolhomineae nomen usurpauit. A quo adhuc iuuenis post doctoratus insignia adepta, archiepiscopus Senensis, & diaconus cardinalis S. Eustathij creatus est. Multas legationes sub quibus uixit pontificibus egregie administravit, praecipue Picenam sub Pio II. Germanicam sub Paulo II. tertiam ad Carolum VIII. regem sub Alexandro VI. in Italiam armis irumpentem. Vir fuit ingenio, moribus, solertia, religione, modestia, grauitate clarissimus. Mortuo Alexandro VI. in conclaui Vaticano VII. & XXX. patrum suffragijs, ex primo diaconorum Cardinalium summus pontifex X. Kal. Octobris, anni MDIII. creatus, & VIII. Idus Octobris coronatus, sex tentum & XX. dies superuixit. Veneno enim (ut fama fuit) Pandulfi Petrucij Senensium Tyranni insidijs petitus, in eodem palatio XV. Kal. Nouembris excessit. Vacauit sedes dies XIIII. sepultus in basilica S. Petri prope Pium II. auunculum marmoreo eleganti sepulchro cum hoc elogio


Pius III. Pontifex maximus a Pio II. auunculo duos & uiginti annos natus in cardinalium collegium ascitus, Urbis ac Piceni legatione integerrime functus, a Paulo II. ad Federicum III. missus, ut Germanorum arma in Turcas concitaret, conuentum frequentissimum Pontificis morte dissolutum habuit. Sub Innocentio VIII. Vmbros diffidentes pacauit. Carolo Gallorum rege Italiam irumpente, ab Alexandro VI. fero admodum obuiam missus. Eo mortuo duo de quadraginta patrum suffragijs pontifex creatus, dum de restituenda in pristinam maiestatem Christiana republica, ac Vrbe agit, VI. & XX. die e tanta expectatione rerum publico omnium luctu decessit. Eloquio, prudentia, religione, innocentia, & grauitate domi forisque insignis, in dicendis in senatus sententiis liber, & grauissimus. Vixit annos LXIII. menses V. dies X. Obiit anno salutis Christi MDIII. XV. Kal. Nouembris

Iacobus, & Andreas Fratri sanctissimo posuere

*Humi in tabula marmorea*

PIVS III PONT MAX





PIVS · III · PAPA · SENENSIS ·



PAPA.  
CCXX

IULIANVS Ruuerus Raphaelis Xysti IIII. papae fratris filius, a patruo pontificatus initio episcopus Carpentoratenfis, & presbyter cardinalis tt. S. Petri ad Vincula creatus, ab eodem aliquot annis post episcopatum Albanum, hinc Ostiensem, & maioris poenitentiariae munus obtinuit. Tribus cathedralibus Auenionensi, Mendenfi, & Cardinalitia, totidem legationibus Auenionensi, Picena, Bononiensi eodem tempore praefuit. In Gallias magnis de rebus iterum legatione functus. Innocentio VIII. gratus. Alexandro VI. hostis, dum uixit Vrbe abfuit. Mortuo Pio III. in comitio Vaticano sexagenarius XXXVI. cardinalium suffragijs, Kal. Nouembris summus pontifex renuntiatus, & VI. Kal. Decembris coronatus, Caesare Maximiliano rege Romanorum Imperatore designato sedit annos IX. menses III. dies XXI. Tuendae, augendaeque ditionis ecclesiasticae cupidissimus, Io. Bentiuolo Tyranno Bononiam eripuit, Perusiam dedente Io. Paulo Balione recepit. Ad Veneti nominis excidium, qui Ariminum, Fauentiam, Ceruiam, Rauennam de Romanae ecclesiae ditione occupauerat, cum Caesare, Francorum, et Hispaniae regibus, cunctisque Christianis principibus Cameraci in Belgio foedus percussit, eosque contumacius agentes, sacris interdixit. Quibus ingenti praelio ad amnem Abduam a Ludouico XII. Francorum rege profligatis, pontifex quattuor amissas ecclesiae Vrbes recepit. Francorum regis, qui Mediolano potiebatur, potentiam suspectam habens, cum Venetis pacem fecit, Alfonso Ferrariae ducem, quem a Gallorum amicitia auertere non potuerat, armis persecutus est. Gallus Rex Iulio iratus Caesarem, pontifici ob reconciliationem cum Venetis hostem factum, in suas partes transduxit; utriusque opera factum est, ut ab aliquot cardinalibus Iulio rebellibus concilium generale Pisis indictum sit, in quo Iulius ad causam dicendam citaretur. Pontifex nouo Laterani concilio indicto, eorum perfidiam elusit. Clade apud fossam Giliolam accepta, Bononiam amisit, quam Bentiuoli Francorum auxilio iterum occuparunt. At Pontifex animo in aduersis constans, uiribus reintegratis, bellum instaurauit. Ad extremum foedere cum Hispanis, & Heluetijs, adiunctis Venetis isto, Ferrariae ducem bello persecutus, Mutinam ei ademit, Mirandulam occupauit. Praelio apud Rauennam inito, Galli quidem uictores fuere, sed ita cruenta uictoria potiti sunt, ut uiribus fracti, intra LXX. a pugna diem, Heluetiorum, & Venetorum ui Mediolano, & Italia omni pulsi fuerint. Maximiliano Sfortiae Insubrum principatus, Parma & Placentia ecclesiae Romanae cessere. Conciliabulum e Pisis primum Mediolanum, mox lugdunum translatum debiles successus habuit. Genuenses pontificis hortatu Gallorum praesidijs pulsos, se in libertatem uendicarunt. Pontifex Bononia & Aemilia recuperatis, Romam uictor redijt, ubi concilio celebrando intentus, dum maiora molitur, septuagenarius in Vaticano palatio IX. Kal. Martij, anno MDXII. e uita excessit, quum ordinationibus sex cardinales XXXVI. creasset. Corpus ad S. Petrum in Xysti sacello conditum. Vacauit tum sedes dies XCVIII.





IULIVS . II . PAPA . SAVONENSIS . LIGVR .



# LEO X PAPA FLORENTINVS ETRVSCVS

**P A P A .** IOANNES Medices Laurentij uiri clarissimi, & sapientissimi, Claricisque Vrsinae filius adhuc paene puer ab Innocentio VIII. cuius filiam Magdalenam Petrus Ioannis frater uxorem duxerat, diaconus cardinalis S. Mariae in Domnica creatus est. Quem paulo ante linguarum cognitione, doctrina supra aetatem, optimis moribus fulgentem, Ludovicus XI. Galliarum rex in Laurentij patris gratiam insigni sacerdotio exornauerat. Laurentio patre mortuo, fratreque Petro patriae principatu per Gallicos tumultus pulso, totos decem, & octo annos exul ab errauit. A Iulio II. Bononiae, Aemiliae, & belli contra Gallos legatus creatus, clade Rauennati ab ijs captus est. Quibus paulo post Italia exactis, diuinitus ex eorum potestate liberatus, cladis reliquijs collectis, patriam, aduersa factione pulsa, recuperauit. Iulio II. uita functo, in comitio Vaticano annos natus XXXVII. V. Idus Martij. XXIII. cardinalium suffragijs, pontifex maximus renunciatus, & XIII. Kal. Aprilis coronatus, Maximiliano & Carolo V. Imperatoribus designatis sedit annos VIII. menses VIII. dies XX. Concilium Laterani a Iulio II. inchoatum perfecit, pseudosynodi Pisanae auctores a Iulio II. priuatos, eiurato schismate restituit, Id conciliabulum aboleuit. Pacem uel inducias inter Christianos principes per legatos tractauit, ut uiribus conso-ciatis, bellum Turcis Christianis arma inferentibus referretur. Franciscus Francorum, rex qui Ludouico XII. successerat, bello in Italia instaurato, Insubres, Maximiliano Sfortia in deditionem accepto, recuperauit, Heluetios repressit, Parmam, & Placentiam a Iulio II. acquisitas occupauit: Pontifice Leone, ne Regium, Mutinam, Bononiam, & patriam Florentiam amitteret, repugnare non auso: cuius congressum rex Bononiae petens de maximis cum eo negotiorum arcanis transsegit. Inde rex in Gallijs, Pontifex Romam redijt. Qui Vrbis principem Franciscum Mariam Ruuereum Iulij II. fratris filium principatu exiit, quem fratris filio Laurentio tradidit. Pandulfi Petrucij filium Sena expulit: hinc in eum conuatio adornata, qua detecta Petrucius Cardinalis occisus. Foedere cum Carolo V. recens Imperatore creato, & Heluetijs inito, Gallos Italia exegit, Parmam & Placentiam recuperauit. Mediolano dux Caesaris auspicijs impositus est Franciscus Sfortia. Tantaue uictoriae nuntio audito pontifex gaudio incredibili affectus, haud ita multo dum coenam pararet obriguit, sensimque exorta est febris, quae eum in palatio Vaticano non sine ueneni suspitione III. Nonas Decembris, anni MDXXI. aetatis XLVI. extinxit. Vacauit sedes Mensem unum, dies VII. Cardinales XLIII. creationibus VIII. fecit. Corpus ad S. Petrum primo, postea ad Mineruae translatus marmoreo monumento conditus est. Eo Pontifice Martini Lutheri, Vlrici Zuingilij haeresiarum nomina audri primo sunt coepta. Ei S.P. Q.R. beneficiorum memor, marmoream statuam in Capitolino palatio cum hoc elogio erexit

Optimo Principi Leoni X. Medici

Ioanni pontifici maximo


ob institutam restauratamque Urbem

aucta sacra, bonasque artes adscitos patres

sublatum uectigal, datum congiarium

S P Q R





LEO . X . PAPA . FLORENTINVS .




## HADRIANVS VI TRAIECTENSIS BELGA

**P A P A .** **CCXXII** *IN* extremis Batauorum finibus ortus est, adeo humili genere, ut familiae nomine carens, Florentij patris praenomen, pro familiae nomine tulerit. Qui a teneris annis in nobili Louanienſi gymnaſio, philoſophiae, iuris, & theologiae ſtudijs uacans, ita profecit, ut eruditione omnium princeps haberetur. Cuius uirtutem audiens Caesar Maximilianus, eum Carolo ex filio Philippo nepoti adhuc ſeptenni puero, qui poſtea Imperator fuit, praeceptorem delegit. Cuius ſtudio a Ferdinando rege catholico Caroli auo, ad quem ablegatus fuerat, episcopus Dertufenſis poſtulat, a Leone uero x. preſbyter Cardinalis tt.ſſ. Ioannis & Pauli Caesaris commendatione creatus fuit. Mortuo Maximiliano Caefare, dum Carolus in Germaniam pro regni diademate profectus eſſet, Hiſpaniarum regna diu pro rege adminiſtrauit: In quo munere abſens, & nihil tale cogitans, poſt Leonis x. obitum, xxxix. patrum ſuffragijs, v. Idus Ianuarij, anni ∞ DXXII. Romae pontifex creatus, Imperatore Caefare Carolo v. Auguſto ſedit annum i. meſes vii. dies vi. Qui ad Urbem iiii. Kal. Septembris ueniens, poſtridie ad S. Petrum coronatus eſt. Pontificatus initio Ari minum pulſo Sigifmundo Malateſta, qui eam Urbem in inter regno occupauerat recepit, duces Ferrariae, & Urbini a poenis, quas ijs Leo x. inflixerat abſoluit, legatum in Germaniam contra Lutherum, & ut Principes arma in Turcas uerterent, miſit. Rhodus eo pontifice a Solymano Turcarum Tyranno occupata. Quum Franciſcus Francorum rex inſtructiſſimas copias in Italiam transferre inſtituiſſet, ut Mediolani principatum armis occuparet, Pontifex pro Italica libertate tuenda, foedus cum Caefare, & Venetis percuffit, in cuius celebritate leui febre decubuit, quae a medicis negleſta laetalis euasit. Exceſſit xviii. Kal. Octobris, anno ∞ DXXII. aetatis Lxv. Vacauit ſedes meſes ii. dies iiii. Corpus ad ſanctam Mariam Germanorum nobili marmoreo tumulo, Guillelmi Enchauidij, quae in paulo ante obitum cardinalē creauerat, ſumptu, ſepulchrum hoc elogium habet

Hadriano VI. pont. max. ex Traiecto inſigni inferioris Germaniae Vrbe  
 Qui dum rerum humanarum maxime auerſatur ſplendorem  
 Vltro a proceribus ob incomparabilem ſacrarum diſciplinarum ſcientiam  
 ac prope diuinam caſtiſſimi animi moderationem  
 Caroli V. Caefaris Auguſti praeceptor, eccleſiae Dertufenſis antiſtes  
 ſacri Senatus patribus collega, Hiſpaniarum regni praefes  
 Reipublicae denique chriſtianae diuinitus pontifex abſens adſcitus  
 Vixit annos Lxiiii. meſes vi. dies xiii  
 Deceſſit xviii. Kal. Octobris, Anno a partu Virginis M D XXIII  
 Pont. ſui anno ſecundo  
 Vilhelmus EncKenuoirt illius benignitate, & auſpicijs  
 tt. ſſ. Ioannis & Pauli preſbyter cardinalis Dertufenſis fac. cur





ADRIANVS , VI , PAPA , TRAIECTENSIS , BELGA



**PAPA.** IVLIVS Medices Leonis x. frater patruelis ( Iulianum enim Laurentij fratrem patrem habuit ) ac eius praelongi exilij perpetuus comes , ab eo ad Pontificatum euecto , archiepiscopus Florentinus , diaconus cardinalis S. Mariae in Domnica , mox presbyter tt. S. Laurentij in Damaso , & S. R. E. Cancellarius creatus , totius imperij ecclesiastici negotia Leone rerum potente tractauit . Legatus foederati exercitus , quo Galli Mediolano sub Leonis obitum pulsi fuere , Parmam , & Placentiam ecclesiae recuperauit . Eius opera Hadrianus absens pontificatum adeptus est , quo uita functo , post acerrimas comitiales contentiones , factione sua praeualente , Pompeij Columnae cardinalis studio xxxiix. Cardinalium suffragijs xlii. Kal. Decēbris , anni ∞ dxxii. pontifex maximus renuntiatus , & vi. Kal. Decembris inauguratus Imperatore Caesare Carolo V. Augusto sedit annos x. menses x. dies vii. Iobilei annum ∞ dxxv. sexto celebrauit . Qui Leonis x. acta sequutus , foedus ab Hadriano ad arcendos Italia Gallos , & Francisci Sfortiae principatum stabilendum cum Caesare Carolo V. & Heluetijs initum continuauit . Ceterum Francisco Gallorum rege Ticini capto , & Francisco Sfortia ( quem Caesariani duces defectionis infirmu lauerant ) paterno principatu exuto , Pontifex id aegre ferens , simulque Caesaris potentiam in Italia ita augeri dolens , ab eo auersus , foedus dno libertate Italica , & Francisco Sfortia tuendo , cum Venetis et Gallis contra eum percussit . Hac re irritati Caesariani , duce Borbonio exule Gallo , Urbem captam diripere , & pontificem in deditionem acceptum , grandi aere libertatem redimere coegerunt . Quo casu Florentini Pontificis propinquis Vrbe , ciectis se in libertatem uendicauerunt . Pontifex pace , & affinitate ea lege facta cum Caesare , ut Francisco Sfortiae principatum Mediolanensem restitueret , Florentinos rebelles reprimeret , foedus cum Venetis percuteret , eum in Italiam ex Hispania uenientem Bononiae imperatorio diademate ornauit . Qui quae pollicitus fuerat praestans , filiam Margaritam Pontificis propinquo Alexandro Medici Florentinorum Duci constituto , despondit . Quo in Hispaniam abeunte , Clemens Massiliam profectus , nouam amicitiam cum Francorum rege Francisco iniit , & affinem Catharinam Henrico regis secundo genito in matrimonium dedit . Romam reuersus , & longo , uario , difficilique morbo uexatus , tandem xi. ordinationibus , cardinalibus xxxi. creatis , anno ∞ dxxxliiii. aetatis lvii. vii. Kal. Octobris rebus humanis eximitur . Corpus ad S. Petrum primum , deinde aliquot annis post cum Leonis x. cadauere ad Minervae translatus . Vacauit tum fides dies xvi.





CLEMENS . VII . PAPA . FLORENTINVS .



# PAVLVS III PAPA ROMANVS

**P A P A.**     **ALEXANDER** nobili, & uetusta Farnesiorum familia, patre Petro Luisio, matre Ioanna Caie-  
**C CXXIV**     tana ortus, adhuc puer bonis litteris Florentiae in Laurentij Medicis contubernio operam assidue na-  
 uauit. Romae ab Innocentio VI II. scriptor apostolicus & protonotarius; ab Alexandro VI. qui  
 cum uetus intercesserat amicitia, Thesaurarius, Montis Flasconis & Corneti episcopus, mox auctis  
 honoribus diaconus cardinalis ss. Cosmae & Damiani, patrimonij primum, deinde Piceni legatus  
 creatur. A Iulio II. pro legatione Picena episcopatum Parmensem obtinuit. A Leone X. ex diaco-  
 no S. Eustathij episcopus Tusculanus. A Clemente VII. Ostiensis, Senatusque princeps institutus.  
 Quo mortuo prope septuagenarius in comitio Vaticano XXXI III. patrum suffragijs, III. Idus O-  
 ctobris anno ∞ DXXXI III. summus pontifex creatus, & III. Non. Nouembris ad S. Petrum co-  
 ronatus, sedit Imperatore Caesare Carolo V. Augusto annos XV. dies XXIX. Publicae tranquillitatis  
 & otij studiosissimus. Pontificatu inito, statim pacem inter Christianos principes Carolum Impera-  
 torem, & Franciscum regem per legatos procurauit. Henricum Angliae regem in haeresim lapsum  
 damnauit. Carolum V. ad bellum Punicum proficiscentem, milite, & classe subleuauit, Eumque Tu-  
 nete expugnato, redeuntcm Romae Solenni pompa honorificentissime suscepit. Concilium generale sae-  
 pius expetitum, Mantuae primum, mox Vicetiae, demum Tridenti indixit, inchoauitque. Ecclesia-  
 sticam morum censuram amplissimis uiris ei muneri praepositis, & sanctissimae inquisitionis tri-  
 bunal instituit. Francisco Sfortia Mediolani duce mortuo, Insuabres in prouinciae formam a Carolo  
 V. Imperatore redacti. Alexandro Medici Florentinorum duci occiso Cosmus successit. Nicaeam  
 prouinciae Urbem pontifex profectus inducias decenniales, inter Caesarem & Francorum regem fe-  
 cit; foedus cum Imperatore, & Venetis contra Turcas percussit, ducentarum Triremium classe in eos  
 infelici euentu immissa. Octauium nepotem desponsa sibi Margarita Caroli V. Caesaris filia Camer-  
 tium principem, filium Petrum Luisium ecclesiastici exercitus Imperatorem, Parmae & Placentiae  
 reddito Camerino, ducem constituit. Bis cum Carolo V. Lucae, & Buxeti congressus est. Plures in  
 Germania conuentus dereligionis habiti. Turcarum Tyrannus bis Pannoniam infestis armis petijt.  
 Caesar infaustam Algerianam expeditionem suscepit. Cui bellum cum Lutheranis gerenti, pontifex  
 lectissima auxilia Octauio duce, Alexandro cardinale legato misit. Caesar insigni uictoria potitus, Ger-  
 manos rebelles oppressit. Simultatibus inter Caesarem, & Pontificem ortis, Concilium Tridento Bo-  
 noniam transfertur. Petro Luisio Parmae & Placentiae duce Placentinorum aliquot ciuium conspi-  
 ratione, non sine Caesarianorum aliquot conscientia interfecto, Placentia amissa est. Parma aegre re-  
 tenta. His curis pontifex anxius LXXI. cardinalibus quattuordecim ordinationibus creatis, aetatis  
 anno LXXXII. Christi uero ∞ DXLIX. IIII. Idus Nouembris, Romae in Quirinali obiit. Sepultus  
 ad S. Petrum. Vacauit sedes menses duos dies XXIX. Sepulchrum ei e nobili marmore, & aereis signis  
 ornatum nepos Alexander Farnesius Cardinalis instituit

D





PAVLVS·III·PONT·OPT·MAX·



PAPA.  
CCXXV

IOANNES Maria de Monte, Romae patre Vincentio natus, Arretinus ab eiusdem agri castello Monte S. Sabini, Vnde maiores eius oriundi fuere, dictus est. Patrum habuit Antonium de Monte cardinalem egregium. Quo auctore ipse post doctoratus insignia suscepta, multos ecclesiasticos honores adhuc iuuenis est consecutus. Archiepiscopus enim Sipuntinus electus, aliquot praefecturas in his Urbanam iterum strenue administravit. Aemiliae & Flaminiae praesidens Ariminum de Malatestis ui cepit. A Paulo III. ex camerae apostolicae auditore presbyter cardinalis tit. S. Vitalis creatus, amplissimas legationes integre obiit. Quo mortuo, quum esset episcopus Praenestinus, concilij, Bononiaeque legatus in comitio Vaticano VII. Idus Februarij, anno Iobileo MDL. quem ipse celebrauit, XLVI. cardinalium uotis, Romanus pontifex creatus, & VII. Kal. Martij coronatus, sedit Imperatore Caesare Carolo V. Augusto annos V. mensem unum dies XV. Inito pontificatu, auctore Caesare Carolo V. Concilium Tridenti restituit. Vestigalia aliquot a prioribus pontificibus imposita sustulit. Haereticos & schismaticos per litteras ad apostolicae sedis unitatem inuitauit. Iudaeorum librum Thalmud blasphemijs refertum aboleuit. A Caesarianis seductus, bellum Octauio Farnesio Parmensium duci intulit, qui in Francorum regis Henrici clientelam assumptus, egregie eius regis praesidio defensus est. Mirandula quae regis praesidijs tenebatur obsessa. Eo bello pontificis fratris filius sclopeti ictu occisus est. Pace facta longe maius bellum in Italia & Germania exarsit. Hic ingruentibus in Raetos & Vindelicos haereticis, et Oeni ponte capto, Concilium Tridentinum dissolutum est. Illic Senenses a Caesare, eius praefecto Didaco Hurtado Mendocio pulso, deficientes, se in libertatem Henrici Francorum regis auspicijs uindicarunt. Hinc bellum exortum, auctum, renouatum, & cum Urbis seruitute finitum: regis enim duce Petro Strocio acie uicto, Senenses se se Caesari dederunt, cuius filius Philippus rex eam Urbem Cosmo Florentinorum duci certis quibusdam legibus concessit, Odoardo Henrici VII. Anglorum regis filio mortuo, Maria catholica regina successit, quae cum orthodoxam pietatem ei Insulae restituisset, Philippo regi catholico nupsit. Per id tempus Pontifex Villa Iulia magnificentissime extructa, initio anni MDLV. leui morbo decubuit, quo aucto in febrem incidit, quae eum x. Kal. Aprilis confecit, cardinalibus xx. quattuor ordinationibus lectis. Corpus lateritio tumulo ad S. Petrum in sacello S. Andreae conditum est. Vacauit sedes dies XVI.





IVLIVS · III · PAPA · ARRETINVS ·



## MARCELLVS II PAPA POLITIANENSIS ETRVSCVS

**PAPA.** MARCELLVS II. PAPA gente Ceruina honestae fortunae parentibus in oppido agri Piceni  
**CCXXVI** Montis fani ortus, patrem habuit Ricardum tunc eiusdem prouinciae quaestorem. Qui a tene-  
 ris annis humanioribus litteris Senis operam nauauit. Grandior natu Romam Clemente VII. ue-  
 nit. Cuius successori Paulo III. insinuatus, ab eo uirtutis ergo ad amplissimos honores euectus  
 est. Primum enim Alexandri Cardinalis Farnesii pontificis nepotis toti ditioni ecclesiasticae prae-  
 positi, a secretis fuit; mox eius itinerum, & legationem comes, deinde protonotarius, episco-  
 pus Neocaesrensis, postea Regiensis creatur, Absens in Belgio presbyter cardinalis tit. S. Crucis  
 in Hierusalem, & legatus ad Caesarem factus est: Romam rediens Concilio Tridentino cum legatio-  
 nis munere praefuit. Mortuo Pauli III. successore Iulio III. v. Idus Aprilis, anno MDLV. in  
 in conclauis Vaticano, XXXVI. cardinalium suffragiis Romanus pontifex designatus, & postridie  
 consecratus, sedit tantum dies XXI. Vir illustri ingenio praeditus, modestia, gravitate, optimis  
 moribus, religione praestantissimus. Magna de eius pontificatu spe concepta, Kal. Maij obiit, ae-  
 tatis anno LVI. minus sex diebus, maximo sui apud omnes bonos desiderio relicto, insignique ho-  
 minum concursu communem iacturam dolentium ad Vaticanum facto. Corpus in basilica S. Petri  
 marmoreo solio sepultum est. Vacauit sedes dies XXI.





MARCELIUS . II . PAPA . POLITIANENSIS , TVSCVS .



PAPA.  
CCXXVII

IOANNES Petrus nobilissima gente Carafa, patre Ioanne Alfonso comite Matalunae ortus, adulescens bonis artibus intentus, accuratae linguarum cognitioni, philosophiae & Theologiae studia adiunxit: quibus adeo profecit, ut unus aetate sua uir doctissimus existimatus perpetuo fuerit. Oliuerij cardinalis Neapolitani propinqui studio, episcopatum Teatinum adhuc iuuenis adeptus, in multis ecclesiasticis functionibus summa cum laude uersatus est, Quictioris sanctiorisque uitae desiderio accensus, episcopatu relicto solitariam uitam, aliquot collegis accitis, aude amplexus, diu in eo proposito Romae, Veronae, & Venetijs religiose uixit. A Paulo III. Romam per litteras euocatus, presbyter cardinalis tit. S. Clementis, postea episcopus Sabinus, & Archiepiscopus Neapolitanus designatus, multum apud eum gratia, & auctoritate ualuit; Vtque sanctae inquisitionis tribunal institueretur, cum F. Ioanne a Toletto cardinale Compostellano ordinis Praedicatorum auctor fuit. Marcello II. Iulij III. successore breui uita functo, ipse prope octuagenarius, quum esset episcopus Ostiensis, & sui ordinis principes, in Vaticano conclauis, post breues sed acerrimas comitiales contentiones XLIIII. cardinalium suffragijs X. Kal. Iunij, anno MDLV. pontifex maximus renunciatus est, & VII. Kal. Iunij inauguratus, Imperatoribus Caesaribus Carolo V. & Ferdinando Augustis, sedit annos IIII. menses II. dies XXVII. Pontificatus initio ecclesiasticam morum emendationem instituit, multa ad dissolutos omnium ordinum mores corrigendos edicta publicauit. Iudaeorum auaritiam corripuit, datariatus redditus suspendit, Romanis priuilegia confirmauit, & auxit, Ecclesiarum bona male alienata restitui uoluit, sanctae inquisitionis munus auxit, librorum damnatorum indicem confecit, Festum cathedrae S. Petri Romanae celebrari uoluit. Fratres apostatas ad sua monasteria, episcopos ad suas ecclesias redire coegit. Bellum cum Philippo Hispaniarum rege adiuantibus Gallis egit, pacem bello confecto fecit. Fratris filios ad se delatos Vrbe expulit. Grauem Tiberis inundationem passus. Carolus V. Imperator abdicata rerum humanarum cura, in monasterio diuinis meditationibus uacans, e uita migrauit. Henricus rex Francorum pace, & affinitate cum Philippo Hispaniarum rege facta, in hastiludio interficitur. Pontifex liberalitate, & zelo religionis clarus senio confectus, rebus humanis eximitur XV. Kal. Septembris, anni MDLIX. aetatis XCIII. quum quattuor ordinationibus, XIX. cardinales creasset. Vacauit sedes menses IIII. dies VII. Corpus ad S. Petrum primo, septimo deinde anno post, in ecclesia Praedicatorum ad Mineruam conditum est, marmoreo quod ei Pius V. fecit sepulchro, cum hoc elogio

### In Iesu Christo spei, & uitae fidelium

Paulo IIII. Carafa pontifici maximo, eloquentia, doctrina, sapienti & singulari innocentia, liberalitate, animi magnitudine praestantissimo scelerum uindicti integerrimo, catholicae fidei acerrimo propugnatori

Pius V. pontifex maximus grati, & pii animi monumentum posuit  
Vixit annos LXXXIII. mensem I. dies XX. obiit anno MDLIX

XV. Kal. Septembris, pontificatus sui anno V







P A P A. IOANNES Angelus Medices Bernardini filius adolescens Ticini, & Bononiae, logicae, philosophiae, medicinae, & legum studiis uacauit: doctoratus insignia consecutus Romam uenit. A Clemente VII. protonotarius ex septem creatur. A Paulo III. multis praefecturis, & publicis muneribus ornatus, archiepiscopus Ragusinus, & presbyter cardinalis tt. S. Pudentianae factus est. Sub Iulio III. legatus bello Parmensi fuit, sub quo, & Paulo III. signaturae gratiae praefuit. Quo mortuo, post diurnam sedis uacationem, sexagenario maior, in comitio Vaticano, XLIII. cardinalium suffragijs, VII. Kal. Ianuarij, ineunte anno salutis MDLX. Romanus pontifex creatus, & proximo Epiphaniae die festo coronatus, sedit Imperatorib. Caesarib. Ferdinando, & Maximiliano II. Augustis annos V. menses XI. dies XV. Initio pontificatus Concilium Tridenti restituit, per fecitque. Omnium ordinum morum censuram multis editis legibus restituere aggressus, aliquot Pauli III. acta ciuilia ad iuris rationem reduxit: Carolum & Alphonsum Carafas cardinales, quibus praecipue suffragantibus pontificatum adeptus fuerat, alterum sustulit, alterum multauit: Florentiae ducem, & principem, Urbini, & Mantuae duces; aliquotque alios proceres laute hospitio in palatio suscepit. Multa tota urbe, & per ecclesiasticam ditionem aedificia publica magnifice extruxit. Montes constituit, uectigalia auxit, cupiditatis notam non effugit. Vir fuit docilitate, ingenio, litterarum scientia, in laboribus perseuerantia, & rerum gerendarum experientia excellens. Ferdinando pientissimo Imperatore mortuo, noui Caesaris Maximiliani praestantissimi principis oratorem suscepit, Galliam domesticis seditionibus uexatam, Melitam a Turcis obsessam, quoad potuit, pecunia subleuauit. Quo anno ipse repentino fere morbo oppressus, postquam ordinationibus quatuor, sex & XL. cardinales creasset, IIII. Idus Decembris, anno MDLXV. aetatis LXVII. rebus humanis eximitur. Corpus lateritio tumulo in Vaticana basilica sepultum. Vacauit sedes dies XXXI.





PIVS · IV · PAPA · MEDIOLANENSIS ·



PAPA. FRATER Michael Gislerius ex oppido Boschi Alexandrinae dioecesis, Lombardus Insuber, ordinis Praedicatorum, lector, officij sanctae Inquisitionis commissarius, Ex Episcopo Sutrino, & Nepesino presbyter Cardinalis tt. Sanctae Mariae super Mineruum, & summus inquisitor a Paulo IIII. Papa factus, Postea Episcopus Montis regalis in Subalpinis, & tt. S. Sabinae, demum iterum tt. S. Mariae super Mineruum a Pio IIII. creatus, Imp. Caesare Maximiliano II. Austrio Augusto sedet.

Natus XVI. Kal. Februarij, Anno MDDV. creatus Romae a LII. Cardinalibus, VII. Idus Ianuarij, hora XXII. die Lunae, Anno salutis christianae MDLXVI. Coronatus die natalitio suo XVI. Kal. Ianuarij, in festo S. Antonij, in eunte anno eius vitae LXII. super gradus ante basilicam Vaticanam a Iulio Ruereuo Vrbinat Cardinalium diaconorum primo, me huius libri auctore prope sedem pontificiam astante, &c.





PIVS · V · PAPA · ALEXANDRINVS ·

*Philippus Sous fecit*















SPECIAL  
FOLIO

81-F  
25788



